

WEB Aruba y Temporal Power ta anuncia prome proyecto di warda energia

ORANJESTAD, – WEB Aruba y Temporal Power awe a anuncia firmamento di un acuerdo pa instalacion di un sistema di 5 Megawatt(MW) Flywheel pa warda energia na Aruba. E instalacion ta e prome di su tipo aki na nos isla y lo sostene Aruba su iniciativanan clave den energia sostenibel.

Aruba a comprometi na e meta pata 100 por ciento sostenibel na 2020 y a progresa den forma significativo caba cu generacion di energia cu biento, solo y sushi. E almacenamiento cu flywheel lo sigura un flexibilidad y resistencia pa e red di coriente, mientras cu lo baha e cantidad di combustibel fosil necesario pa kima, como parti di e proceso di produccion di energia.

E '5MW storage project' ta e prome fase di e proyecto cu ta consisti di dos fase. Cu fase dos ta planea pa aña di 5 MW di almacenamiento, na momento cu e di dos parke di molina di biento bay on line, probablemente na aña 2017. Cu e adicional almacenamiento di energia, en combinacion cu e penetracion creciente di



energia sostenibel, WEB lo ta capaz pa mantene suministro electrico di calidad halto, mientras e ta baha su dependencia di e combustibel fosil costoso y dañino pa medio ambiente.

'Temporal's flywheel storage technology ta ideal pa Aruba su necesidad di energia. E tecnologia ta traha di staal recicla sin kimico toxico of problema di eliminacion. E ta cumpli cu demanda di e red di energia di Aruba, sin degradacion durante su periodo di diseño di 20 aña.' Asina

Luis Oduber, WEB Aruba su director general interino ta comunica.

'Aruba ta e lider global den su conversion pa un sistema di energia sostenibel. Temporal Power ta contento di tin un partner asina bon pa traha cun'e riba un proyecto cu lo yuda demostra mundialmente cu por logra sistemanan di energia sostenibel economico y confiabel.' segun Eric Murray, CEO di Temporal Power. E ta aña di cu 'esaki ta un ehempel excelente cu Ontario (Canada) su lideraz-

go y apoyo di almacenamiento di energia ta conduci na oportunidadnan di colaboracion cu den forma positivo tin su impacto riba calidad di bida y medio ambiente.'

Tocante WEB Aruba

Di desalinacion di awa desde 1932 pa produccion di energia pa Aruba desde 1958 te awor, compania di awa y energia WEB Aruba a pasa den hopi cambio pa por cumpli cu necesidadnan di e comunidad Arubiano. WEB Aruba activamente ta traha rumbo un futuro cu ta menos depen-

diente di combustibel fosil y cu tin un impacto minimal riba nos medio ambiente. 'Nos tin e vision di un produccion di awa y energia mas limpi, mas berde y liber di combustibel fosil na 2020.' Pa mas informacion: www.webaruba.com.

Tocante Temporal Power Ltd. Temporal Power ta un compania priva situa na Canada cu ta diseña, fabrica y implementa sistemanan cu rendimiento halto di almacenamiento di energia rond mundo. E sistema di Temporal Power ta uza un flywheel completamente di staal den combinacion cu bearing magnetico; esaki ta posicion'e como e flywheel di energia mas halto na mundo. Ta uza Temporal Power flywheels pa optimalisa calidad di energia y baha gasto pa medio di un miho balansamento di energia riba rednan di coriente. Awendia, Temporal Power ta partner di companianan mundialmente lider den ekipo y ingenieria y ta implementa sistema riba escala di megawatt y ta haya apoyo di inversionistanan grandi manera Enbridge Inc. Y Northwater Capital Management Inc. □